




孔子家語

九

十







孔子家語卷九

魏 琅琊 王肅 註

日本 西播 岡白駒 補註

七十二弟子解第三十八

種何本。吳本。自魯相至。于屈節。篇次皆與此同。

惟屈節已下。次以正論。次曲禮。子貢問。曲禮。卒。夏問。曲禮。公西赤問。本姓解。終記解。以七十二。弟子解。終篇。是若序。次得所。然。不敢妄改。今且從舊本。篇次。

顏回魯人字子淵少孔子三十歲

補或曰。三十當是十。三字倒。徵諸論語。顏

淵季路侍。是顏子長季路。德行。顏淵。閔子騫。皆序在上。愚按。論語者。裁篡之書也。夫顏子者。諸子之所不敢望。況乎不幸短命死矣。則在諸子之時。既成異代。乃序之上。何問其年齒。又按史記。定公元年。孔子年四十三。方是之時。季氏強僭。陽虎作亂。故孔子不仕。定公九年。陽虎奔于齊。是時孔子年五十一。定公以孔子為中都宰。

由中都宰為司空。由司空為大司寇。是孔子始為大夫也。其為大司寇也。相定公會。齊侯于夾谷。考諸春秋。在定公十年。是年孔子年五十有二矣。果顏子少孔子十三歲耶。則顏子三十二而卒。是顏子卒時。孔子年四十五。未嘗為大夫。而顏路請子之車。孔子乃曰。以吾從大夫之後。不可徒行也。則顏子死時。孔子既為大夫久矣。然則少孔子三十歲審矣。古書不可輕改。如此少詩。照反篇內皆同。年二十九而髮白。三

十一早死。此書久遠。年數錯誤。未可詳校。其年則顏回卒。卒時孔子且七十。此謂顏回先伯魚死。而論語云。顏回死。顏路請子之車。以為之槨。子曰。鯉也死。有棺而無槨。或以孔子曰。自吾有回。門人日益親。顏回為孔子疏

為誤。孔子曰。自吾有回。門人日益親。附之友。能使門人益親。回以德行著名。補行下孟。孔子稱其仁焉。

夫。子。回以德行著名。反下皆同。孔子稱其仁焉。

閔損魯人。字子騫。少孔子十五歲。補毛本。吳本並作五

以德行著名。孔子稱其孝焉。補論語云。孝哉閔子騫。人

不問於其父母昆弟之言。



冉耕魯人。字伯牛。補鄭玄。以德行著名。有惡疾。補淮南

伯牛為厲。孔子曰。命也夫。音扶。

冉雍字仲弓。伯牛之宗族。補少孔子二十九歲。生於不肖之父。補

語云。犁牛之子。騂且角。雖欲勿用。山川其舍諸。以德行著名。補孔子稱其

宰予字子我。魯人有口才。以言語著名。仕齊為臨菑大

夫。補齊都臨菑。故與田常為亂。夷其三族。補司馬貞云。

與田常作亂之文。然有闕止字子我。田闕爭寵。孔子恥

之。曰不在利病。利病不在。其在宰予。言宰予為利病。

端木賜字子貢。衛人。少孔子三十一歲。有口才著名。孔

子每詘其辯。補詘救律。家富累千金。常結駟連騎。以造

原憲補常讀為嘗四馬一憲居蒿廬蓬戶之中與之言

先王之義原憲衣弊衣冠并日蔬食既蔬食并日而後

何之病也原憲曰吾聞無財者謂之貧學道不能行者

謂之病吾貧也非病也子貢慙終身恥其言之過子貢

好販與時轉貨販廢舉買賤賣貴隨歷相魯衛而終于

齊補好呼報反相息亮反

冉求字子有仲弓之宗族少孔子二十九歲有才藝以

政事著名補論語云求也藝又云千室之仕為季氏宰

進則理其官職退則受教聖師為性多謙退故孔子曰

求也退故進之

求也退故進之

仲由卞人也補卞魯邑尸子云子路字子路一字季路

少孔子九歲有勇力才藝以政事著名補論語云子曰

又云片言可以折獄者其由也與為人果烈而剛直性鄙而不達於變

通補如死于仕衛為大夫遇蒯聵與其子輒爭國子路

遂死輒難補事見于左傳哀孔子痛之曰自吾有由而

惡言不入於耳子路孔子禦侮之友惡言不入夫

言偃魯人補史記云吳人司馬貞曰偃仕魯為武字子

游少孔子三十五歲特習於禮以文學著名仕為武城

宰補武城嘗從孔子適衛與將軍之子蘭相善吏之

學於夫子。

卜商衛人。字子夏。少孔子四十四歲。習於詩。能誦其義。

子夏所叙詩義。今之毛詩。序是。補毛本誦作通。以文學著名。為人性不弘。好論

精微。時人無以尚之。補尚加也。好呼報反。嘗返衛。見讀史志者。云

晉師伐秦。三豕渡河。子夏曰非也。已亥耳。補支干內有五亥。已亥位。

居三。三豕渡河是隱語。以己為三。以亥為豕也。讀史志曰。補曰當作者。問諸晉史。果

曰已亥。於是衛以子夏為聖。孔子卒後。教於西河之上。

魏文侯師事之。而諮國政焉。補諮問也。

顓孫師陳人。字子張。少孔子四十八歲。為人有容貌。補論

語。曾子曰。堂堂乎張也。資質寬冲博接。補子張曰。我之大賢與。於人何所不容。我之不賢與。

人將。三我。如。何。其。拒。人。也。從容自務。居不務立。於仁義之行。子張

解。寡。性。凱。悌。寬。冲。然。不。務。立。仁。義。之。行。故。子。貢。激。之。以。為。未。仁。也。補。從。七。容。反。行。下。孟。反。孔子門人

友之而弗敬。補子游曰。張也。為難能也。然而未仁。曾子曰。難與竝為仁矣。

曾參南武城人。補魯有兩武城。故稱南以別之。字子輿。少孔子四十六

歲。志存孝道。故孔子因之以作孝經。齊嘗聘。欲與為卿

而不就。補與以通。曰吾父母老。食人之祿。則憂人之事故。吾

不忍遠親。而為人役。補遠于願反。為于偽反。參後母遇之無恩。而

供養不衰。補養餘亮反。及其妻以藜烝不熟。因出之。補曾子之妻。進

藜。烝。曾子之母。而不熟。出尺類反。下同。人曰非七出也。參曰藜烝小物耳。

吾欲使熟。而不用吾命。況大事乎。遂出之。終身不娶。

補取七其子元請焉補請告其子曰高宗以後非

已補高宗殷王武丁也王子曰孝已事親至尹吉甫以

後妻放伯奇補尹吉甫周宣王之賢大夫也子伯奇事

而自著衣領上伯奇恐其整也趨而撥之後妻

及高宗中不比吉甫庸知其得免於非乎補庸

澹臺滅明武城人字子羽補澹徒少孔子四十九歲有

君子之姿孔子嘗以容貌望其才其才不充孔子之望補

與史記相反又與論語不合說見于第十九篇然其為人公全無私以取與去就

以諾為名補史記作設取予去就名施中仕魯為大夫

高柴齊人高氏之別族補齊敬仲高字子羔少孔子四

十歲長不過六尺補史記作狀貌甚惡為人篤孝而有

法正少居魯見知名於孔子之門仕為武城宰

宓不齊魯人字子賤少孔子四十九歲補何本作仕為

單父宰補單音善有才智仁愛百姓不忍欺孔子大之

補傳云子產治鄭民不能欺子賤治單父民不忍欺西
門豹治鄴民不敢欺魏文帝問羣臣云三不欺於君德
孰優大尉鍾繇等對曰君任德則臣感義而不忍欺君
任察則臣畏覺而不能欺君任刑則臣畏罪而不敢欺
任德感義與夫道德齊禮有恥且格等趨者也任察畏
罪與夫道政齊刑免而無恥同歸者也然則三子之不
欺雖同所以不欺異矣辯
治者其以子賤為最賢乎

樊須魯人字子遲少孔子四十六歲補史記作弱仕於

季氏補二十日弱或曰弱卑屈

補孔子家語卷之九

有若魯人字子有少孔子三十六歲補何本史記並作十三歲得人

強識好古道也補識式異反好呼報反

公西赤魯人字子華少孔子四十二歲束帶立於朝閑

賓主之儀補論語赤也束帶立於朝可使與賓客言也朝直遙反閑習也

原憲宋人字子思少孔子三十六歲清靜守節貧而樂

道補樂音洛孔子為魯司寇原憲嘗為孔子宰孔子卒後原

憲退隱居于衛補史記云孔子卒原憲亡在草澤中子貢結駟連騎而造蓋在於此時

公冶長魯人字子長為人能忍恥孔子以女妻之補妻七計反下同

南宮縚魯人字子容補縚吐刀反以智自將補將行也世清不廢

世濁不污補烏故反孔子以兄子妻之

公折哀補何本作公哲克史記作公哲哀索隱引家語亦曰公哲克是古本家語作公哲克何本為是

齊人字季沉補史記作季次鄙天下多仕於大夫家者是故未

嘗屈節人臣孔子特歎貴之

曾點曾參父字子皙疾時禮教不行欲修之孔子善焉

論語所謂浴乎沂風乎舞雩之下補孔子善焉吾與點也

禮教不行欲修之而言浴乎沂風乎舞雩其志彷彿於釣渭耕莘蓋微言耳後儒以天理人欲解之可謂妄已

顏由補史記作顏無繇顏回父字季路補史記作字路索隱引家語亦曰字路史記為

是孔子始教學於闕里而受學少孔子六歲

商瞿魯人字子木補商姓瞿名前漢儒林傳商瞿子木受易孔子師古以商瞿為復姓非也

瞿音少孔子二十九歲特好易孔子傳之志焉補孔子

於瞿。瞿之志也。好呼報反。

漆雕開蔡人字子若。補史記作字子開。少孔子十一歲。習尚書。

不樂仕。補樂音洛。孔子曰：子之齒可以仕矣。時將過子若報。

其書曰。補書即尚書也。吾斯之未能信。言未能明信此書意。孔子悅焉。

公良孺陳人字子正。賢而有勇。補史記云：孔子去陳過蒲。會公叔氏以蒲畔。蒲人止孔子。弟子有公良孺者。以私車五乘從孔子。其為人長。賢有勇力。謂曰：吾昔從夫子遇難於匡。今又遇難於此。命也已。吾與夫子再罹難。寧鬪而死。鬪甚疾。蒲人懼。孔子周行常以家車五乘。

從。補乘繩證反。從才用反。

秦商魯人字不慈。補不慈當作丕茲。史記作字子丕。左傳襄十年孟氏之臣秦董父為右。董重如

少孔子四歲。其父董父。補不慈當作丕茲。史記作字子丕。左傳襄十年孟氏之臣秦董父為右。董重如

與孔子父叔梁紇俱以力聞。補事見于左傳襄十年。聞音問。

顏刻。補史記作顏高。魯人字子驕。少孔子五十歲。孔子適衛。子

驕為僕。衛靈公與夫人南子同車出。而令宦者雍渠參

乘。使孔子為次乘。遊過市。補過音戈。孔子恥之。顏刻曰：夫子

何恥之。孔子曰：詩云：覲爾新婚。以慰我心。補詩小雅慰安。補詩小雅

得賢女以配君子之詩也。乃歎曰：吾未見好德如好色者也。補好呼報反。

司馬黎耕。補毛本史記並作司馬耕。宋人字子牛。牛為性躁。補何本。

性。好言語。補好善也。論語云：司馬牛問仁。子曰：仁者其言也訥。見兄桓魋行惡。牛

常憂之。補司馬牛憂曰：人皆有兄弟。我獨亡。行下孟反。

巫馬期陳人字子期。補史記作巫馬施。字子旗。少孔子三十歲。孔子

補正孔子家語 卷之九

補正孔子家語 卷之九

補正孔子家語 卷之九

補正孔子家語 卷之九

補正孔子家語 卷之九

補正孔子家語 卷之九

補正孔子家語 卷之九

補正孔子家語 卷之九

補正孔子家語 卷之九

補正孔子家語 卷之九

將近行命從者皆持蓋已而果雨補從才用反巫馬期

問曰且無雲既日出而夫子命持雨具補雨于付反故問何以知之

孔子曰昨莫月宿于畢補莫同暮詩不云乎月離於畢俾滂

沱矣以此知之補詩小雅漸漸之石之篇離歷也

梁鱸齊人字叔魚少孔子三十九歲補史記作二十九歲年三十

未有子欲出其妻補出尺類反商瞿謂曰子未也補言未至出之也

魯吾年三十八無子吾母為吾更取室補為于偽反夫

子使吾之齊母欲請留吾夫子曰無憂也瞿過四十當

有五丈夫補五男也今果然吾恐子自晚生耳未必妻之過

從之二年而有子

琴牢衛人字子開一字張與宗魯友聞宗魯死欲往弔

焉孔子弗許曰非義也補事見于第四十三篇

冉孺魯人字子魚補史記作子魯少孔子五十歲

顏幸補史記作顏幸魯人字子柳少孔子四十六歲

伯虔字指補史記作字子析索隱引家語作字子指為是蓋皆指字相似誤又脫子字耳少孔

子五十歲

公孫寵補毛本何本史記並作公孫龍為是衛人字子石少孔子五十三歲

曹卹補何本蔡人字子循少孔子五十歲

陳亢陳人字子亢一字子禽少孔子四十歲

叔仲會魯人字子期少孔子五十歲與孔璇年相出每

孺子之執筆記事於夫子。二人送侍左右。孟武伯見孔子而問曰。此二孺子之幼也。於學豈能識於壯哉。

孔子曰。然。少成則若性也。習慣若自然也。

蓋人性善移。習成性。故云習慣若自然也。

秦祖字子南。

奚蒧字子偕。

公祖茲。

廉絜字子曹。

公西與字子上。

宰父黑字子黑。

補史記。作奚容蒧。字子偕。蒧音黠。

補史記。作公祖茲。字子之。

補史記。作字庸。鄭玄云。魯人。

補史記。作公西與如。字子上。索隱。引家語亦同。史記為是。

補史記。作宰父黑。字子索。索隱。引家語。作宰父黑。字索為是。

公西滅字子尚。

穰駟赤字子從。

冉季字子產。

薛邦字子從。

義。引家語。亦作徒。

石處字里之。

懸亶字子象。

左郢字子行。

狄黑字哲之。

商澤字子秀。

補何本。吳本。史記。並作公西蒧為是。蒧音黠。

補史記。作穰駟赤。字子從。鄭玄云。秦人。

補鄭玄云。魯人。

補史記。作鄭國。字子徒。張守節云。避高祖諱。邦。作國。鄭乃薛字之誤耳。從當作徒。正義。引家語。亦作徒。

補史記。作后處。字里。鄭玄云。齊人。

補史記。作左人郢。字行。鄭玄云。魯人。

補何本。作衛人。字哲之。史記作字哲。

補史記。註引家語。作字子季。

補史記。註引家語。作字子季。

任不齊字子選補鄭玄云楚人

榮祈補史記作榮旂字子祺

顏噲字子聲補鄭玄云魯人

原桃補毛本作原抗為是史記作原尤籍字子籍

公肩字子仲補史記作公堅定字子中何本肩作有鄭玄云魯人或云晉人

秦非字子之補鄭玄云魯人

漆雕從字子文補史記作漆雕徒父字闕

燕級字子思補史記作燕級字思

公夏守字子乘補史記作公夏首字乘鄭玄云魯人乘繩證反下步叔乘同

勾井疆補何本衛人字子界史記勾作句

步叔乘字子車補鄭玄云齊人

石作蜀補何本吳本並作石子蜀云成紀人字子明

邾選字子飲補史記作邾異字子飲鄭玄云魯人

施之常補史記云字子恒

申績字子周補史記作申黨字周張守節云魯人

樂欣補史記作樂欬張守節云魯人字子聲

顏之僕字子叔補鄭玄云魯人

孔弗補史記作孔忠註引家語亦曰孔忠史記為是字子蔑孔子兄之子

漆雕侈補史記作漆雕哆鄭玄云魯人侈昌者反字子斂

懸成字子橫補史記作懸成字子祺鄭玄云魯人

顏相字子襄

補史記。作顏祖。字襄。張守節云。魯人。

右夫子七十二弟子皆升堂入室者

補按史記仲尼弟子列傳

載七十七人。索隱云。家語亦有七十七人。史記有公伯寮。秦冉。鄒單。家語不載。而別有琴牢。陳亢。懸宣。當此三。人之數。而今家語止得七十六人。考之史記。其差異者。或異名。而同字。或文相。似以誤。皆可以推當。惟少顏何。字冉者一人。而索隱引家語曰。顏何。字稱。則當時家語亦與史記其數同。然而篇名七十二弟子解。則衍五人矣。蓋此後人據史記附益也。爾。

本姓解第三十九

補何本作本始解

孔子之先宋之後也

補宋微子之後

微子啓帝乙之元子紂之

庶兄

補言微子之所由出

以圻內諸侯入爲王卿士

補王畿千里爲圻微

國名子爵

補吳本此五字爲註爲是

初武王剋殷

補剋勝也

封紂之子武

庚於朝歌使奉湯祀武王崩而與管蔡霍三叔作難

補三叔皆武王之弟難乃且反

周公相成王東征之二年罪人斯得

補息亮

乃命微子於殷後作微子之命

補封命之書也

由之

與國于宋徙殷之子孫

補封微子爲宋公。徙殷之子孫於宋。

唯微子先

往仕周

補啓知紂必亡。作誥告二師。而遁於荒野。武王剋殷乃歸周。故云先往仕周。

故封之

賢

補句言微子仁賢也

其弟曰仲思名衍或名泄嗣微子後故號

微仲生宋公稽

補稽立爲宋公。未諡故名之。

胄子雖遷爵易位

補由胄子當

而班級不及其故者

補班級天子所布與爵級

得以故

官爲稱

補尺證反

故二微雖爲宋公而猶以微之號自終

至于稽乃稱公焉

宋公生丁公申申公

補公字行生

緡公共及襄公熙補史記作煬公庶熙生弗父何及厲公方祀

補弗父何讓弟厲公方祀以下世為宋卿弗父何生宋父周周生

世子勝勝生正考甫考甫生孔父嘉五世親盡別為公

族補本出於公而子孫相連屬其傍支別屬則各自立氏是為公族故後以孔為氏焉

一曰孔父者生時所賜號也是以子孫遂以氏族補古者君

賜號賜族左傳羽父請諡與族公問族於眾仲眾仲對曰天子建德因生以賜姓胙之土而命之氏諸侯以字

為諡因以為族蓋諸侯位卑不得賜姓故其臣因氏其王父字或使即先人之諡號以為族今此以先人之號

為族因氏孔故云氏族孔父生子木金父金父生畢夷畢夷生防

叔避華氏之禍而奔魯補按左傳桓二年宋華督殺孔父而取其妻莊十二年宋萬殺

華督自其殺孔父至此三十年矣防叔既過二世而始避華督之禍而奔魯則於事不通此云防叔始奔魯史

記亦云孔子其先宋人也曰孔防叔蓋此華氏非督矣索隱引家語作良華氏之逼而奔魯夫宋之華氏不獨督也豈別有所避于華氏歟防叔生伯夏伯夏生叔梁紇曰雖有九女

是無子補叔梁紇娶于魯之施氏生九女無男其妾生

孟皮孟皮一字伯尼有足病於是乃求婚於顏氏顏氏

有三女其小曰徵在顏父問三女曰陬大夫補叔梁紇

大夫陬音鄒雖父祖為士然其先聖王之裔補成湯今其人

身長十尺武力絕倫補左傳襄十一年偏陽之役紇扶舉縣門其武力可知吾甚

貪之補貪愛之雖年大性嚴不足為疑三子孰能為之妻二女

莫對徵在進曰從父所制將何問焉父曰即爾能矣遂

以妻之補妻七計反徵在既往廟見補戴記云三月而廟見稱來婦也以夫

補戴記云三月而廟見稱來婦也

之年大懼不時有男而私禱尼丘之山以祈焉。補祈求福也。

生孔子故名丘字仲尼孔子三歲而叔梁紇卒葬於防。

補防山名在魯東。至十九娶於宋之亓官氏。補毛本作上官氏司馬貞引家語亦作上官氏。一歲而生伯魚魚之生也魯昭公以鯉魚賜孔子。

榮君之貺故因以名曰鯉而字伯魚魚年五十先孔子

卒。補哀十一年卒時孔子年六十九先息薦反。齊太史子與適魯見孔子孔

子與之言道子與悅。補悅孔子之道。曰吾鄙人也聞子之名不

觀子之形久矣而未知之寶貴也乃今而後知泰山之

為高淵海之為大惜乎夫子之不逢明王道德不加於

民而將垂寶以貽後世。補貽以反。遂退而謂南宮敬叔

曰今孔子先聖之嗣自弗父何以來世有德讓。補弗父何讓厲

公正考甫三命益恭是也。天所祚也成湯以武德王天下其配在文。

補王于反。殷宗已下未始有也。補殷宗太甲也稱太宗言太宗以下未始有以文配

也孔子生於衰周先王典籍錯亂無紀。補漢秋文志云帝王質文世有

損益至周曲為之防事為之制及周之衰諸侯將踰法度惡其害己皆滅去其籍孔子之時已不具矣。而

乃論百家之遺記考正其義祖述堯舜。補三皇雖聖乎所制作不過厚

生利用禮樂之教助乎堯舜故孔子遠祖其道。憲章文武。補憲法也謂遵其制

以傳之孔子曰。刪詩述書。補古者詩三千餘篇孔子刪定之為三百五篇又討論墳

典斷自唐虞。定禮理樂。補孔子追述三代之禮觀夏殷所損益曰後雖百世可知也又

曰言自衛反魯然後樂正雅頌各得其所。制作春秋讚明易道。補叙彖繫象說卦文言。

垂訓後嗣以為法式其文德著矣補足以配成湯之武然凡所教誨束脩已上三千餘人或者天將欲與素王之乎補與讀為

以素王有德無位之稱夫何其盛也敬叔曰殆如吾子之言夫物

莫能兩大補言湯既以武德王其後嗣不能又以文德王吾聞聖人之後而非

繼世之統其必有興者焉今夫子之道至矣乃將施之無

窮雖欲辭天之祚故未得耳補天使孔子傳先王之道於無窮是天之所祚也

子貢聞之以二子之言告孔子子曰豈若是哉亂而治

之滯而起之自吾志天何與焉補與音預

終記解第四十

孔子蚤晨作起負手曳杖逍遙於門補反手卻後以曳其杖示不復杖也

逍遙寬縱貌而歌曰泰山其頽乎補泰山衆山所仰頽徒回反墜也梁

木其壞乎梁木木主為梁者衆木所放喆人其萎乎萎頽補喆人亦衆人所仰

則吾將安仰梁木其壞則吾將安杖補直亮反喆人其

萎吾將安放放法○放上聲補放依也夫子殆將病也補覺夫子歌意遂趨

而入夫子歎而言曰賜汝來何遲子疇嘗夢坐奠於兩

楹之間疇昔猶近昨夜兩楹之間殷人所殯夢而具奠於殯處故自知死也補奠薦楹柱也鄭玄云是

也言奠者以為凶象也夏后氏殯於東階之上則猶

在阼殷人殯於兩楹之間即與賓主夾之周人殯於西

階之上則猶賓之補禮主人在阼階賓在西階孝子不

忍死其親殯之於此故曰猶此以三

王之禮而丘也即殷人補其先宋人夫明王不興則天

下其孰能宗余言天下無明王其能宗已道余逮將死

補鄭玄云兩楹之間人君聽治正坐之處今無明王誰能尊我以爲人君乎是我殷家奠殯之象以此自知將

死逮當作殆遂寢病七日而終時年七十二矣哀公誄

曰誄力軌昊天不弔不憇遺一老弔善也憇且也一

僅俾屏余一人以在位補不弔猶云不卹也屏輔也言

我以在位焯焯余在疚疚病補焯求於乎哀哉尼父無

自律父丈夫之顯稱律法也言子貢曰公其不沒於魯

乎夫子有言曰禮失則昏名失則僇補起虔反矢志爲

昏失所爲僇生不能用死而誄之非禮也稱一人非名

也一人天子君兩失之矣既卒門人疑所以服夫子者

子貢曰昔夫子之喪顏回也若喪其子而無服喪子路

亦然今請喪夫子若喪父而無服於是弟子皆弔服而

加麻出有所之則由經經徒結反補由與猶通子夏曰

入空經可居出則不經子游曰吾聞諸夫子喪朋友居

則經出則否喪所尊雖經而出可也孔子之喪公西赤

掌殯葬焉含以疎米三貝疎稷米禮記曰稻曰嘉疎補

云含用米貝含戶暗襲衣十有一稱補衣上下皆具加

朝服一冠章甫之冠補朝直遙反珮象環徑五寸而緝

組綬緝雜色組綬所以繫象環桐棺四寸柏棺五寸飾

補注九子家語卷之九 十五 風月堂藏

牆置娶補牆柝衣也。牆之障柝。猶垣牆障家。故謂之。設披

周也。設崇殷也。綢練設旒夏也。披柝行夾引棺者。崇崇。綢練。以練。旒。○娶色甲反。綢直留反。補綢。韜也。練素錦也。兼用

三王禮。所以尊師且備古也。葬於魯城北泗水上。藏入

地不及泉而封為偃斧之形。補旁殺刃。而長。高四尺。樹松柏

為志焉。補樹上主。反志音誌。弟子皆家於墓。行心喪之禮。既葬有

自燕來觀者。舍於子夏氏。子貢謂之曰。吾亦人之葬聖

人。非聖人之葬。入子奚觀焉。補若聖人葬人。則人庶有。異。而子何觀之。若人之葬

見若斧矣。從若斧者也。上難登。狹。又易為功。馬鬣封之

謂也。俗間之名。○鬣。力葉反。又作鬣。今徒。一曰三斬板而以封。板蓋廣

六尺。斬板。謂斬其縮。三斬。上傍殺。蓋高四尺也。尚行夫

子之志而已。尚。庶。何觀乎哉。二。三子。三年喪畢。或留或去。

惟子貢廬於墓六年。自後羣弟子及魯人處於墓如家

者。百有餘家。補處昌呂。反。如而也。因名其居曰孔里焉。

正論解第四十一

孔子在齊。齊侯出田。田。獵。補齊侯。景公也。左傳。昭二十年。齊侯田于沛。招虞人

以旌不進。虞人。掌山澤之官也。補旌。折羽為之。左傳作以弓。公使執之。對曰。昔先

君之田也。旌以招大夫。弓以招士。補詩云。翹翹車乘。招

弓。故弓以招士也。補諸侯服。皮冠以田。虞人掌

招士也。皮冠以招虞人。田。獵。故皮冠以招虞人也。

補注孔子家語

卷之九

十六

風洞堂

臣不見皮冠故不敢進乃舍之孔子聞之曰善哉守道

不如守官道為恭敬之道見君召便往守官非物召不往也補杜預云君招當往道之常也非物不進官之制也君子韙之韙是補韙于鬼反

齊國書伐魯國書齊卿補春秋哀十有一年春齊國書帥師伐我是也季康子使冉

求率左師禦之樊遲為右非不能也不信子言季孫德不素著為

民所信也補為右下脫師不踰溝樊遲曰二句按左傳云師及齊師戰于郊齊師自稷曲師不踰溝樊遲曰非

不能也不信子也請三刻而踰之與眾要信三刻而踰溝也如之眾從之補

樊遲言乃踰溝師入齊軍補冉求齊軍遁遁逃冉有用戈故能入

焉孔子聞之曰義也在軍能却敵合於義既戰季孫補康謂冉有

曰子之於戰學之乎性達之乎對曰學之季孫曰從事

孔子惡乎學補惡汪冉有曰即學之孔子也夫孔子者

大聖無不該該包補文武並用兼通求也適聞其戰法

猶未之詳也季孫悅樊遲以告孔子孔子曰季孫於是

乎可謂悅人之有能矣

南容說仲孫何忌補說南宮敬叔也一名縉何忌孟懿子也皆孟僖子之子說音悅一作闕

既除喪除父傳而昭公在外時為季孫所逐未之命也未命二人為卿

夫定公即位乃命之辭曰先臣有遺命焉傳子病不知禮及其將死

而屬其二子使事孔子曰夫禮人之幹也非禮則無以立囑家老

使命二臣必事孔子而學禮以定其位補夫音扶下同囑音燭公

許之二子學於孔子孔子曰能補過者君子也詩云君

子是則是倣補詩小雅鹿鳴之篇則法倣倣也孟僖子可則倣矣懲已

所病以誨其嗣大雅所謂貽厥孫謀以燕翼子是類也

夫諄遺也燕安也翼敬也言遺其子孫嘉謀也

衛孫文子得罪於獻公居戚文子衛卿林父得罪以戚叛也補戚孫文子之邑

公卒未葬文子擊鐘焉補奏樂也延陵季子吳公札適晉過戚

補自衛如晉過音戈聞之曰異哉夫子之在此猶燕之巢于幕也

殯可乎補可以文子於是終身不聽琴瑟孔子聞之曰

季子能以義正人文子能克已服義可謂善改矣

孔子覽晉志晉之史記晉趙穿殺靈公穿趙盾從弟也補事見左傳宣二年趙

盾亡未及山而還山晉之境補盾即宣子也史書趙盾弑君補史董狐也

盾曰不然史曰子為正卿亡不出境返不討賊非子而

誰盾曰嗚呼我之懷矣自詒伊戚補此邶風雄雉篇之辭懷思貽遺也盾引

孔子歎曰董狐古之良史也書法不隱補不隱盾之罪趙宣子

古之良大夫也為法受惡補為于惜也越境乃免補惜盾

鄭伐陳入之補春秋襄二十五年鄭公孫舍之帥師入陳使子產獻捷于晉

陳之功補入晉人問陳之罪焉子產對曰陳亡周之大德補武

以元女大姬以配胡公補而封諸陳補亡與志通介恃楚眾補介馮陵弊邑補馮是

補注孔子家語

卷之九

十一

風月堂藏

以有往年之告。告晉為陳所侵。補襄二十四年。鄭伯朝晉。晉替首告晉。請伐陳。未獲命。

未得晉平陳之成命。則又有東門之役。與楚共伐鄭。至其東門也。當陳隧者。補陳

徑也。謂開小井。堙木刊之。隧陳人。堙塞刊所也。補言當陳道而行也。井堙木刊。之。隧徑者。有井則堙塞之。有木

則刊之。弊邑大懼。天誘其衷。啓弊邑心。誘導衷善也。天導其善。大剋陳者也。補衷

中心也。言天開導我中心。得以勝陳也。知其罪。授首於我。補陳自知其罪。授首於我。用

敢獻功。晉人曰。何故侵小。對曰。先王之命。惟罪所在。各

致其辟。辟。誅。補辟。亦反。法也。且昔天子一圻。列國一同。地方千里。曰一圻。

方百里。曰一同。自是以衰。周之制也。大國方百里。從是以為差。伯方七十里。子男五十里。

周之制也。而說學者以周大國方七百里。失之矣。補衰初危反。差降也。今大國多數圻

矣。若無侵小。何以至焉。補何以至於此。晉人曰。其辭順。孔子

聞之。謂子貢曰。志有之。志。古之書也。言以足志。言以足成其志。文以

足言。加以文章。以足成其言。補足將住反。成也。不言誰知其志。言之無文。行

之不遠。有言而無文章。雖行而不遠也。晉為伯。鄭入陳。非文辭不為功。

小子慎哉。補左傳。作慎辭哉。

楚靈王汰侈。驕汰。奢侈。右尹子革侍坐。右尹。官名。子革。然。丹。補坐才臥反。左

史倚相趨而過。補楚有左右史。倚相。左史。右史。倚相。相息亮反。王曰。是良史

也。子善視之。補視待也。是能讀二墳五典八索九丘。二墳。三墳。三皇之書。

五典。五帝之典。八索。索法。九丘。國聚也。補孔安國云。八卦之說。謂之八索。求其義也。九州之志。謂之九丘。丘。聚也。言九州所有。土地。所生。風氣。所宜。皆聚此書也。對曰。

即上世帝王遺書也。墳。扶云反。大也。索。所白反。

夫良史者。記君之過。揚君之善。補夫音扶。而此子以潤辭。為

官補潤辭潤不可為良史臣又嘗問焉補嘗就倚昔周

穆王欲肆其心補肆將過行天下補過音戈吳本錢本使

皆有車轍馬迹焉補欲使車轍馬迹無所不到祭公謀父作祈昭補

周卿士祈昭詩名猶齊景公作君臣相說之樂蓋曰徵

招角招是也昭宜為招左傳作招補祈父周司馬之官

招其名也祭公諫遠遊設借司馬以止王心補止王心王

故亦以名其詩此逸詩也父音甫是以獲沒於祇宮補獲沒不見篡弒也祇宮臣問其詩

焉而弗知若問遠焉其焉能知補焉能王曰子能乎補

能知其對曰能其詩曰祈昭之惜惜乎式昭德音補祈昭

言祈昭樂之安和其法足以昭其德音者也補惜惜安

和貌式用也司馬掌甲兵王出當從祭公不敢斥諫設

言戒司馬言汝祈招性惜惜然安和汝當用此職

掌以明我王之德音也惜於林反左傳無乎字思我

王度式如玉式如金思王之法度如金玉純美刑民之

力而無有醉飽之心長而字刑傷民力用之不勝不節

傳刑作形杜預云國之用民當隨其力任如金治之器

隨器而制形故言形民之力王註從刑罰之刑而解而

與上文不相靈王揖而入饋不食寢不寐數日補深感

言則固不能勝其情以及於難補乃孔子讀其志曰古

者有志補古書克已復禮為仁補克勝言能勝己私情復

禮謂納身於禮也信善哉楚靈王若能如是補克己豈

期辱於乾谿靈王起章華之臺於乾谿國子革之非左

史所以風也補風福稱詩以諫順哉

叔孫穆子避難奔齊穆子叔孫豹其兄僑如淫亂故病

於庚宗之邑。補庚宗魯地。庚宗寡婦通焉而生牛。名穆子反。

魯。補魯召穆子，干齊而立之。以牛為內豎。豎，通內外之命。補豎士注反。相家。命長，遂

相家。補使為家。政也。相息亮反。牛讒叔孫二人殺之。補人當作子。穆子

氏生二子，長曰孟丙，次曰仲任。皆為牛所讒，遂殺之。叔孫有病，牛不通其饋，不食

而死。牛遂輔叔孫庶子昭而立之。補昭，叔孫嫡。昭子既立，朝其

家眾。補朝直。遙反。曰：豎牛禍叔孫氏，使亂大從。從，順。補使亂

適立庶，又披其邑，以求舍罪。牛取叔氏，鄙三十邑，以行

殺仲壬也。取東鄙二十邑，以賂季氏家臣南遺，是也。罪莫大焉，必速殺之，遂殺豎

牛。孔子曰：叔孫昭子之不勞，勞，功也。不立，已為功。不可能也。周

任有言。周任，古之賢人。曰：為政者不賞私勞，不罰私怨。詩云：有

覺德行，四國順之。覺，直。補詩大雅抑之篇。言有正直，德行則四方順從之。行，下孟反。昭

子有焉。

晉邢侯與雍子爭田。補邢侯，楚申公巫臣之子也。雍子亦故楚人。叔魚攝理。

叔魚，叔向弟，理獄官之名。補時，晉理官。景伯如楚，故叔魚代景伯攝理專斷。罪在雍子，雍子

納其女於叔魚，叔魚弊獄，邢侯怒殺叔魚與雍子於朝。補直，韓宣子問罪於叔向。宣子，

卿韓起也。叔向曰：二姦同罪，施生戮死可也。補施，宜為與與猶

罪也。補施行罪也。言施罪於邢侯，加戮於叔魚，雍子可也。雍子自知其罪而賂以買

直。補本不直，以賂為直，故云買直。鮒也，鬻獄。補鬻，余六反。賣也。邢侯專殺其罪

一也，已惡而掠美為昏。補掠，取美善昏亂也。已惡，貪以敗

補以賂求善為亂也。

官為默默猶冒苟貪不其罪補左傳殺人不忘為賊憚

夏書曰昏默賊殺皆殺也補夏書逸書也咎陶之刑也

子曰叔向古之遺直也補其直有治國制刑不隱於親

三數叔魚之罪不為末末薄補三者即下文數其賂也

或曰義或左傳可謂直矣補左傳作義

平丘之會數其賄也以寬衛國晉不為暴

歸魯季孫稱其詐也以寬魯國晉不為虐魯季

孫見

歸之叔魚說季孫季孫懼乃歸也補稱揚也稱其詐謂

歸之

言鮒也能也以上事邢侯之獄言其貪也以正刑書晉

不為頗頗偏補言其貪三言而除三惡暴衛虐

殺親益榮補榮名由義

也夫補由與猶通杜預云二罪唯答宜子問不可

鄭有鄉校鄉之學校補萬二千五百家為鄉校之士非

論執政補非論大嚴明欲毀鄉校嚴明子產曰何以毀

為也夫人朝夕退而遊焉音扶以議執政之善否其所

善者吾則行之其所否者吾則改之若之何其毀也我

聞忠善以損怨補言為忠善不聞立威以防怨補毀校

也防怨猶防水也大決所犯傷人必多補防止水於一

也

所傷必多喻防怨之終有害也。吾弗克救也。不如小決使導之。補順其勢使疏通。不如吾所聞而藥之。藥治瘵也。補吾聞而以為藥石以自治也。孔子聞是言也。曰。吾以是觀之。人謂子產不仁。吾不信也。

晉平公會諸侯于平丘。齊侯及盟。補齊當作諸。鄭子產爭貢

賦之所承。所承之輕重。曰。昔者天子班貢。輕重以列。尊卑

貢。補列尊貢重。列卑貢輕。周之制也。卑而貢重者。甸服。甸服。王圻

外諸侯異。鄭伯南也。而使從公侯之貢。南左傳作男。古

故貢重也。鄭伯南也。而使從公侯之貢。南左傳作男。古

爵。而連男言之。猶言公侯也。補杜預云。鄭國在甸服之

外。爵列伯男。不應出公侯之貢也。舊本。王註多誤字。從

孔子左傳疏引。懼弗給也。敢以為請。自日中爭之。以至

於昏。晉人許之。孔子曰。子產於是行也。足以為國基也。

詩云。樂只君子。邦家之基。本也。補詩小雅南山有臺之篇。樂只君子。謂君子有令德。可令人愛樂者。言樂只君子為治。乃國家之基。樂音洛。下同。子產君子之於樂者。能為

本。則人樂藝也。補左傳。作君子之求樂者也。且曰。補孔子合諸侯而藝貢事

禮也。藝。分別貢獻之事也。

鄭子產有疾。謂子太叔。補鄭大夫游吉。曰。我死。子必為政。補執政

唯有德者。能以寬服民。其次莫如猛。夫火烈。民望而畏

之。故鮮死焉。補鮮息。淺反。水濡弱。民狎而翫之。狎。易翫習。則多死

焉。補懦乃。臥反。故寬難。補難。以治。子產卒。子太叔為政。不忍猛而

寬。鄭國多掠盜。掠。抄。太叔悔之。曰。吾早從夫子。必不及此。

孔子問之。曰。善哉。政寬則民慢。慢則糾於猛。補糾。猶攝也。糾。居黜

補註孔子家語 卷之九

反。猛則民殘。猛政殘民。民殘則施之以寬。寬以濟猛。猛以濟

寬。寬猛相濟。政是以和。詩云：民亦勞止，汙可小康。汙，危也。勞，民人病汙。可，小變故。以安也。補詩大雅民勞之篇。周厲

王暴虐，民勞于苛政。召穆公作是詩以刺之，欲其施之以寬也。康，安也。言方今民勞苦矣，將危可

以小安之。曰：小不敢過望之辭。汙，許一反。惠此中國，以

綏四方。補綏亦安也。施之以寬也。補此孔子釋詩之辭。毋縱詭隨。詭，人

遺人小惡者也。補縱，聽縱也。詭，詭人之善者隨，隨人之惡者皆惡之小者也。以謹無良。謹，小

天也。補無良，惡之已著者。式遏寇虐，慘不畏明。慘，曾也。當用遏止為

之明道者，言威也。補寇虐，而曾不畏天之明命。糾之以

猛也。補亦釋詩之辭。柔遠能邇。言能安遠者能安近。補柔，安邇近也。以定我王。以

安王位也。平之以和也。補亦釋詩也。又曰：長發之篇，不競不絀，不

剛不柔。絀，急言得中和。補言湯政寬。布政優優，百祿是適。

優，優和適。聚。補祿，福也。和之至也。子產之卒也，孔子聞之，出涕曰：

古之遺愛，補子產見愛。有古人之遺風。

孔子適齊，過泰山之側，有婦人哭於野者而哀。夫子式

而聽之。補怪其哀甚。式，憑式也。曰：此哀一似重有憂者。補重直使

子貢往問之，而曰：舅死於虎。補而猶乃也。天父曰舅。吾夫又死焉。

今吾子又死焉。子貢曰：何不去乎？婦人曰：無苛政。補音何

子貢以告孔子。子曰：小子識之。補音識苛政猛於暴虎。

晉魏獻子為政，補魏舒子分祁氏及羊舌氏之田。補音志以賞諸大夫及

羊舌氏故獻子分其田。補分祁氏之田。以爲七縣。分羊舌氏之田以爲三縣。

其子也。補傳昭二十八年戊音茂。皆以賢舉也。又將賈

辛曰。補將進也。今汝有力於王室。吾是以舉汝。周有子朝之亂。賈辛帥師。

救行乎敬之哉。毋墮乃力。補音無。孔子聞之曰。魏子

之舉也。近不失親。子可舉而舉也。遠不失舉。不以遠故不舉。可

謂美矣。又聞其命賈辛以為忠。補先賞王室之功。故謂忠。詩云。永言

配命。自求多福。忠也。大雅文王之詩。言我長配天命而行。庶國亦當求多福。求多福。忠也。

補永長言我也。言能長配天命致多福者。唯忠有之。引之。言魏舒之忠。長有後于晉國也。魏子之舉

也。義其命也。忠其長有後於晉國乎。

趙簡子。補晉大夫。鞅。賦晉國一鼓鐘。二十斤。謂之鈞。鈞四謂之石。石四謂之鼓。補鐘

當作鐵。字之誤也。以鑄刑鼎。著范宣子所為刑書。范宣子晉卿。著其刑

書銘也。孔子曰。晉其亡乎。失其度矣。夫晉國將守唐叔之

所受法度。唐叔成王母弟。始封於晉者也。補夫音扶。下同。以經緯其民者也。經緯

猶織也。卿大夫以序守之。序次也。民是以能遵其道而守

其業。貴賤不僣。補過失也。所謂度也。文公是以作執秩之官。

為被廬之法。晉文公既霸。蒐于被廬。作執秩之官。以為晉國法也。補執秩之官。主爵之官也。被廬

晉地。文公蒐于被廬。作三軍。故云被廬之法。被皮義反。以為盟主。今棄此度也。而

為刑鼎。民在鼎矣。補民唯鼎之憑。何以尊貴。民將棄禮而徵於書。不復戴奉上也。

何業之守也。民不奉上。則上無所守也。貴賤無序。何以為國。且夫宣

子之刑。夷之蒐也。晉國亂制。夷蒐之時。變易軍帥陽處父。為賈季所殺。故曰亂制

也。補夷晉地。夷之蒐。變五軍為三軍。既而又易中軍。改蒐于董。宣子於是始為國政。制事典。正法罪。理刑獄。

補注孔子家語 卷之九 廿五 風月堂藏

若之何其為法乎。

楚昭王有疾卜曰河神為祟王弗祭大夫請祭諸郊王

曰三代命祀祭不越望天子祀天地諸侯望祀江漢沮

漳楚之望也四水名也補沮七禍福之至不是過乎補

過境內山川左傳乎作也不穀雖不德河非所獲罪也遂不祭孔子

曰楚昭王知大道矣求之於已其不失國也宜哉楚為

滅昭王出奔已復國也夏書曰維彼陶唐率彼天常陶唐堯率猶

道在此冀方中國為冀補夏書五子之歌作惟彼陶唐

蒲坂禹都安邑三都皆在冀無率彼天常句堯都平陽舜都

州統天下四方故云在冀方今失厥道補毛本左傳亂

其紀綱乃滅而亡謂夏桀補此謂大康失邦也非謂桀

書亦以為夏桀耳又曰允出茲在茲由已率常可矣言善惡各

此則在此以能循常道可也補允信也言

信出已則福亦在已故云由已已音紀

衛孔文子使太叔疾出其妻補大叔疾衛世叔而以其

女妻之初疾娶於宋子朝其姊嬖子朝出文子疾誘其

初妻之姊補誘誑為之立宮補為于與文子女如一妻

之禮文子怒將攻之孔子舍據伯玉之家文子就而訪

焉補左傳云孔子曰簠簋之事則嘗聞學之矣補方曰

鳥則擇木木豈能擇鳥乎補喻人之擇國而仕至於文

子遠自止之曰圉也豈敢度其私哉度謀補圉文子名

遠其據反度待洛

反亦訪衛國之難也。且難乃將止會季康子問冉求之

戰。補季康子問冉求冉求既對之。補對曰學又曰夫子

播之百姓質諸鬼神而無憾。恨用之則有名。康子言於

哀公以幣迎孔子曰人之於冉求信之矣。補聽冉求之

將大用之。補自以為將大用

齊陳恒弑其君簡公。補陳恒齊大夫田常孔子聞之三日沐浴而

適朝。補三日齊戒沐浴重其事告於哀公曰陳恒弑其

君請伐之公弗許三請。補三息公曰魯為齊弱久矣子

之伐也將若之何對曰陳恒弑其君民之不與者半以

魯之眾加齊之半可克也公曰子告季氏。補時政在二

自孔子辭。不告退而告人曰以吾從大夫之後不敢不

告也。補孔子嘗為大夫

子張問曰書云高宗三年不言言乃雍有諸。雍歡聲貌

乃雍和。有諸也。補高宗殷王武丁也。雍和悅也。言乃天

下和悅。鄭玄云。時人君無行三年之喪禮者。問有諸。怪

也。孔子曰胡為其不然也。古者天子崩則世子委政於

冢宰三年。成湯既沒太甲聽於伊尹。太甲湯孫武王既喪成

王聽於周公其義一也。

衛孫桓子侵齊遇敗焉。桓子孫良夫也。侵齊與齊師遇

遇於衛地。春秋成二年。衛孫良夫帥齊人乘之執。補毛

師及齊師戰于新築。衛師敗績是也。齊人乘之執。補毛

執字。新築大夫仲叔于奚。補新築衛地。杜預以其眾救

為是。新築大夫也。

桓子桓子乃免衛人以邑賞仲叔于奚于奚辭請曲懸

之樂諸侯軒懸。軒懸。闕二面也。故謂之曲懸。之樂。補天子樂。子樂。骨懸。四面。象宮室。四面有牆。故謂之宮懸。諸

侯軒懸三面。其形繁纓以朝。馬纓當膺。如索。羣銜以黃

也。繁步干反。朝直遙反。許之書在三官。司徒書名。司馬

也。子路仕衛見其故。補於三官之以訪孔子孔子曰惜

也不如多與之邑唯器與名不可以假入器禮樂之器。名尊卑之名。

君之所司也名以出信補杜預云名位信以守器器以

藏禮有器然後得行其禮。禮以行義義以生利。補利者義

義所以利以平民補利澤之行。政之大節也。若以假入

與人政也政亡則國家從不可止也補無復可

公父文伯之母文伯母紡績不解文伯諫焉補文伯諫

家而主猶績懼于季孫之怒也。其以歌為不能事王乎。其母曰古者王后親織玄

紵紵冠垂者。紵。紵。冠。垂。者。紵。紵。冠。垂。者。紵。紵。冠。垂。者。公侯之夫人加之紘纒纒。纒。而。上。者。謂

覆也。○紘戶萌反。纒余戰余梅二反。卿之內子為大帶補既織。紵。又。加。之。以。紘。紘。也。冕。曰。紘。

命婦成祭服大夫之妻。為命婦。列士之

妻加之以朝服補列士。元士也。既成祭服。又加之以朝

自庶士已下各衣其夫補庶士。下士也。下

秋而成事絜而獻功男女春秋而勤歲事。冬絜祭。而

男女紡績絜則有辟絜。功也。辟。法也。補絜。起。虔

王之制也。今我寡也。爾又在位。朝夕恪勤。猶恐忘先人

之業況有怠惰其何以避辟補上文言德則有孔子聞

之曰弟子志之季氏之婦補敬姜季康子可謂不過矣

樊遲問於孔子曰鮑牽事齊君補鮑牽鮑叔牙曾孫執政不撓可

謂忠矣齊慶克通於夫人鮑牽知之以告國武子武子

公以會於諸侯高鮑處守及還將至閉門而索客夫人

也而君別之其為至闇乎補別五孔子曰古之士者國

有道則盡忠以輔之國無道則退身以避之今鮑莊子

食於淫亂之朝不量主之明暗以受大刑補朝直

是智之不如葵葵猶能衛其足補葵傾葉隨日轉故曰

向日以蔽其根言鮑補葵傾葉牽居亂不能保身也

季康子欲以一井田出法賦焉補方里為井四井為邑

丘弗識也冉有三發補三發問卒曰補卒子為國老待子而

行補時孔子為大夫若之何子之不言孔子不對補不

而私於冉有曰求汝來汝弗聞乎先王制土籍田以力

田有稅收籍力以治公田也補古者井田畫九區如井

籍借也借八家力以治之而底其遠近底平謂之籍田

故云籍田以力籍秦昔反補賦里以入而量

其有無補里廛里有稅度其有無以為多任力以夫而議

其老幼補力作之事度丁夫之老幼或重或輕於是鰥寡

補注孔子家語 卷之九

孤疾老者有軍旅之出則徵之無則已於軍旅之役則

所供無軍事則止也。補疾廢疾也。其歲收田一井出穫禾秉缶米芻藁

不是過其歲軍旅之歲一把曰秉四秉因稜穗連藁芻

出稷禾秉芻缶米為是韋昭云缶度也聘禮曰十六斗

曰度十度曰秉秉十六斛也四秉曰筥十筥曰稷稷六十

百四十斛也言軍旅之歲一井田所先王以為之足補

出不過如此也王註亦脫誤不成義君子之行必度於禮補度待洛施取其厚施以

為足供用也事舉其中事以中為節斂從其薄補斂力若是其

已丘亦足矣丘十六井補已與以通十六井出戎馬一

匹牛三頭是賦之常法也言但以丘法亦不度於禮而貪冒無厭補冒亡北反則雖

賦田將有不足且子孫若以行之而取法則有周公之

典在若欲犯法則苟行之又何訪焉

子游問於孔子曰夫子之極言子產之惠也可得聞乎

孔子曰惠在愛民而已矣子游曰愛民謂之德教何翅

施惠哉孔子曰夫子產者猶衆人之母也補夫音扶能食之

而弗能教也補食音嗣子游曰其事可言乎孔子曰子產以

所乘之輿濟冬涉者補見入有冬涉者不忍以其所乘

漕是愛而無教也

哀公問於孔子曰三三大夫皆勸寡人使隆敬於高年

何也孔子對曰君之及此言將天下實賴之豈唯魯哉

公曰何也其義可得聞乎孔子曰補吳本作孔魯者有

子對曰為是

補

補

補

補

虞氏貴德而尚齒補鄭玄云貴謂燕賜有加於諸臣也尚謂有事尊之於其黨也夏后

氏貴爵而尚齒殷人貴富而尚齒富謂世祿之家周人貴親而

尚齒虞夏殷周天下之盛王也未有遺年者焉補遺猶棄也

年者貴於天下久矣次于事親是故朝廷同爵而尚齒補朝直遙反下皆同

七十杖於朝君問則席君欲問之則為之設席而問焉八十

則不仕朝君問則就之補就其家也而悌達乎朝廷矣其行

也肩而不竝不取與長者並肩也補而猶乃也竝步頂反不錯則隨錯鴈行

行兄黨也班白之者不以其任於道路任負也少者代之鴈行也班白之者

不以其任於道路矣居鄉以齒而老窮不

匱補以鄉人尊而長之雖貧而無子不至竭乏匱其媿反強不犯弱眾不暴寡而

悌達乎州巷矣補二千五百家為州巷猶閭也古之道五十不為甸役

五十始老不為力役之事不為田獵之徒也補四五為甸君田則起甸之徒五十始老故不及也甸田見反

頒禽隆之長者而悌達乎蒐狩矣補隆之長者長者多賜也頒音班分也長

竹丈軍旅什伍同爵則尚齒補什伍卒部曲也而悌達乎軍旅

矣夫聖王之教孝悌發諸朝廷行於道路至于州巷放

于蒐狩循于軍旅補放方往反則眾感以義死之而弗敢犯

補死此考悌之禮公曰善哉寡人雖聞之弗能成

哀公問於孔子曰寡人聞東益不祥東益之宅補俗說云東益宅不祥不

祥謂妖異不利人也信有之乎孔子曰不祥有五而東益不與焉

補與音預下同夫損人自益身之不祥補身聚怨棄老而取幼家之

不祥補家道不和釋賢而任不肖國之不祥補是非變亂老者不

教幼者不學俗之不祥補風俗流於薄惡聖人伏匿愚者擅權

天下不祥補天下有亂之道不祥有五東益不與焉

孔子適季孫季孫之宰謁曰補謁告也君使求假於田補韓詩外

傳作使人假馬將與之乎季孫未言孔子曰吾聞之君取於臣

謂之取與於臣謂之賜臣取於君謂之假與於君謂之

獻季孫色然悟補色然驚駭貌曰吾誠未達此義遂命其宰曰

自今已往君有取之一切不得復言假也補復扶又反

孔子家語卷九終

孔子家語卷十

魏 琅琊 王肅 註

日本 西播 岡白駒 補註

曲禮子貢問第四十二

子貢問於孔子曰晉文公實召天子而使諸侯朝焉晉文

公會諸侯于溫召襄王且使狩于河陽因使諸侯朝補此論語所謂譎而不正也朝直遙反夫子作

春秋云天王狩于河陽何也補河陽晉地狩音守孔子曰以臣召

君不可以訓補文公尊事天子則固美矣亦書其率諸

侯事天子而已

孔子在宋見桓魋自為石椁三年而不成工匠皆病補

大回。夫子慨然曰：若是其靡也。侈靡。補心平修矣。不顧也。傷財。秋七小反。容色變也。

死，不如速朽之愈。補甚惡侈靡之辭。冉子僕。補僕御也。冉有為夫子御也。冉子曰：

禮凶事不豫，此何謂也？夫子曰：既死而議論。補諡行之迹也。列生

時之行以作之。大行受大名。細行受細名。死諡，周道也。諡定而卜葬。補上葬。既葬而

立廟，皆臣子之事，非所豫屬也。音屬。況自為之哉？

南宮敬叔以富得罪於定公，犇衛，衛侯請復之。補衛靈公請魯

復載其寶以朝。補敬叔欲行賂求復位。朝直遙反。夫子聞之曰：若是其

貨也。補心平利矣。不顧害義。喪不若速貧之愈。喪失位也。補喪子息浪反。下同。

游侍曰：敢問何謂如此？孔子曰：富而不好禮，殃也。補積不

散。是謂怨府。好呼報反。敬叔以富喪矣，而又弗改，吾懼其將有後

患也。敬叔聞之，驟如孔氏。補驟速也。以謝過也。而後循禮施散焉。

補施始。鼓反。

孔子在齊，齊大旱，春饑，景公問於孔子曰：如之何？孔子

曰：凶年則乘駑馬。補取易供。力役不興，馳道不修。補道，君行之道。祈

以幣玉。補君所祈請用幣及玉，不用牲也。祭祀不懸。補不作樂也。祀以下牲。補當用大牢。

者用少牢。此賢君自貶以救民之禮也。補貶損也。

孔子適季氏，康子晝居內寢。孔子問其所疾，康子出見

之言，終孔子退。子貢問曰：季孫不疾，而問諸疾，禮與？補與

音餘。孔子曰：夫禮，君子不有大故，則不宿於外。補大故，謂喪也。非

致齊也，非疾也，則不晝處於內。補齊側皆反。處，昌呂反。是故夜居

外雖弔之可也補似晝居於內雖問其疾可也補似

孔子為大司寇國廋焚子退朝而之火所鄉人有自為

火來者則拜之補謝之也朝直士一大夫再補士一拜

子貢曰敢問何也孔子曰其來者亦相弔之道也吾為

有司故拜之

子貢問曰管仲失於奢晏子失於儉與其俱失矣二者

孰賢孔子曰管仲鏤簋而朱紘鏤刻而飾之朱紘天子

也紘冕之飾用組為之從下屈而上屬之於兩旁垂餘

宏旅樹而反玷旅施也樹屏也天子外屏諸侯內屏反

爵於其上補山節藻梲節栴也刻為山雲梲梁上楹也

謂梁上侏儒柱賢大夫也而難為上補賢舉大凡而稱

者其上也晏平仲祀其先祖而豚肩不揜豆言陋小也補大

合用豚肩今用豚豚又過小故云不掩豆豚肩在一狐

裘三十年補狐裘貴在輕新乃三賢大夫也而難為下

補難為下君子下不僭上上不偏下

冉求曰昔臧文仲知魯國之政補知猶立言垂法于今

不亡可謂知禮矣孔子曰若臧文仲安知禮夏父弗綦

逆祀而不止補春秋文二年大事于大廟躋僖公僖公

夏父弗綦為宗伯典禮列昭穆以躋僖公夫閔僖非父

子又嘗為臣故云逆祀臧文仲為卿不諫止父音甫綦

音忌本燔柴於竈以祀焉補祭竈以為火神夫竈者老

補注孔子家語

風月堂藏

婦之所祭

祭先窀穸其功也。祭先窀穸所以報其功也。祭先窀穸所以報其功也。祭先窀穸所以報其功也。

也。夫音扶。

盛於甕尊於瓶非所柴也。

甕甗瓶皆炊器也。此明非火神燔柴失之。盛音成。

故曰禮也者由體也。

補若人身體由與猶通。

體不備謂之不成

人設之不當猶不備也。

子路問於孔子曰。臧武仲率師與邾人戰于狐鮑。

補鮑當作

遇敗焉。師人多喪而無罰。古之道然與。

孔子曰。凡謀人之軍。師敗則死之。

補利己亡。非忠也。

國邑危則亡之。補出亡。避賢也。古之道也。其君在焉者。有詔則

無討。君教則臣無討。

晉將伐宋。使人覘之。宋陽門之介夫死。陽

宋城門也。介夫。司城子罕哭之哀。補司城子罕也。宋避武公諱為司城。覘

者。反言於晉侯曰。陽門之介夫死。而子罕哭之哀。民咸

悅。宋殆未可伐也。孔子聞之曰。善哉。覘國乎。補善其知微。詩

云。凡民有喪。匍匐救之。子罕有焉。補詩邶風谷風之篇。匍匐盡力也。雖

非晉國。其天下孰能當之。言雖非晉國。使天下有強者。猶不能當也。是以周

任有言曰。民悅其愛者。弗可敵也。

楚伐吳。工尹商陽與陳棄疾追吳師。及之。補工尹楚官名。棄疾楚公

也。棄疾曰。王事也。子手弓而可。商陽手弓。棄疾曰。子射

諸。補商陽仁不忍殺人。以王事勸之。射食亦反。下同。射之弊。一人韞其弓。補韞韞不

亦作斃。下同。韞救亮反。又。棄疾謂之。又弊。二人每

補註孔子家語 卷之廿 風月堂

弊一人輒掩其目。補不忍視之。止其御。補不道也。曰吾朝不坐燕

不與。士卑故也。補朝燕于寢。大夫坐於上。士立於下。朝直遙反。與音預。殺三人亦足以

反命矣。孔子聞之曰殺入之中又有禮焉。子路怫然進

曰。補怫芳未反。人臣之節當君大事唯力所及死而後已。夫

子何善此子曰然如汝言也吾取其有不忍殺入之心

而已。

孔子在衛司徒敬之卒。補之當作子。司徒官氏。公子許之後。夫子弔焉。主

人不哀。夫子哭不盡聲而退。蘧伯玉請曰衛鄙俗不習

喪禮煩吾子辱相焉。補相息亮反。孔子許之掘中雷而浴。室中

雷力救反。補古者窟居。開其上。取明故雨雷之後。因名室為中雷。毀竈而綴足襲於牀。

補綴足者用燕几。綴亡人之足令直。使著屨時不辟。反也。衣戶曰襲。按喪大記。唯始死廢牀。至遷尸及襲。皆在於牀。時失禮。襲在於地。孔子特襲於牀也。綴竹劣反。及塋毀宗而躐行也。明不復

此也。綴足不欲令僻戾也。毀宗廟而出行。神位在廟門之外也。出于大門及墓。男子西面。

婦人東面。既封而歸。殷道也。補封彼。驗反。讀為空。下棺也。孔子行之。

子游問曰君子行禮不求變俗。夫子變之矣。孔子曰非

此之謂也。喪事則從其質而已矣。

宣公八年六月辛巳有事于太廟而東門襄仲卒。補襄仲公

遂。壬午猶繹。繹祭之明日。又祭也。補繹音亦。子游見其故以問孔子曰

禮與。補音餘。孔子曰非禮也。卿卒不繹。補禮大夫卒當祭則不告終事而聞

則不繹。

補注孔子家語

卷之十

五

風月堂藏

季桓子喪。廋子練而無衰。補練熟絲也。衰。回。下同。子游問於孔子曰：「既服練服，可以除衰乎？」孔子曰：「無衰衣者，補吳本。無者字。不以見賓，補賓。弔者。何以除焉？」

邾人以同母異父之昆弟死，將為之服。補為于偽。反。下同。因顏

克而問禮於孔子。子曰：「繼父同居者，則異父昆弟從為

之服。補大傳所。謂從服也。不同居，繼父且猶不服，況其子乎？」

齊師侵魯，公叔務人。昭公之子。公為。遇人，人保負杖而息。見人。走避。

齊師將入，保疲倦，加杖頸上，兩手掖之，休息者也。保，縣邑小城也。務人泣曰：「使之雖病，

謂時任之，雖重，謂時賦稅。補。君子弗能謀，士弗能死，不

可也。補君子謂卿大夫也。魯政既惡，復無謀臣，士又不能死，務人恥之。我則既言之矣。」

敢不勉乎？補欲敵齊。師踐其言。與其隣，嬖童汪錡乘往，犇敵死焉。

皆殯。補鄰鄰里也。童，未冠者之稱。姓汪名錡。魯人欲勿

殤童汪錡。補八歲至十九歲為殤。魯人見其死君事，有

葬。問於孔子。子曰：「能執干戈以衛社稷，可無殤乎？」補乎。當作

也。言當以成人之喪治之也。

魯昭公夫人吳孟子卒，不赴于諸侯。補赴。告也。孔子既致仕

而往弔焉。適于季氏，季氏不經。補大結反。麻在首在腰。皆曰經。孔子投

經而不拜。己亦不成禮。子游問曰：「禮與？」補音。孔子曰：「主

人未成服，則弔者不經焉。禮也。」

公父穆伯之喪，敬姜晝哭。文伯之喪，晝夜哭。補穆伯魯大夫。季悼

子之子。敬美。穆伯之妻。文伯之也。

孔子曰。季氏之婦

可謂知禮矣。愛而無私。上下有章。

上謂夫。下謂子也。章。別也。哭夫。晝哭。哭子。晝夜哭。哭夫與子。各有別也。

南宮縚之妻。孔子兄之女。喪其姑。夫子誨之。髮。

補誨教也。去筭。

縚。露髮。

曰。爾母從從爾。母扈扈爾。

從從。高也。扈扈。大也。言喪者無容飾也。○

縚。吐刀反。髮。側瓜反。補從從。扈扈。皆言髮之狀也。母音無。蓋。榛以為笄。長尺而總八寸。總。束髮垂為飾者。齊衰之總八寸也。補又。教之以笄總之法也。榛。木名。長直亮反。

子張有父之喪。公明儀相焉。

補相息亮反。

問啓顙於孔子。

孔子曰。拜而後啓顙。顙乎其順也。

補鄭玄云。此殷

當作稽。稽顙。觸地無容也。

賓順於事也。顙。徒回反。

補此

啓顙而後拜。顙乎其至也。

補周之

喪拜也。頌。慟隱貌。先觸地。無容。哀之至也。頌音懇。

三年之喪。吾從其至者。

補重者尚

哀戚自期如殷可。

孔子在衛。衛之人有送葬者。而夫子觀之。曰。善哉。為喪

乎。足以為法也。小子識之。

補識式志反。

子貢問曰。夫子何善

爾。曰。其往也如慕。

補如小兒隨父母啼呼。

其返也如疑。

補如其不親。

貢曰。豈若速返而虞哉。

反葬而祭。謂之虞也。補速疾也。

子曰。此情之至

者也。小子識之。我未之能也。

補未之能行也。

卜人

補下魯地名。戴記作弁。

有母死而孺子之泣者。

補言聲無節也。

孔子

曰。哀則哀矣。

補此誠哀。

而難繼也。

補失禮中。

夫禮為可傳也。為可

繼也。

補夫音扶。傳直尊反。

故哭踊有節。而除有期。

補如小祥而變練。至期而

除是也

孟獻子禫

補獻子魯大夫仲孫蔑禫大感反除服祭也

縣而不樂

補縣音玄

可御

而不處內

補不入寢處昌呂反

子游問於孔子曰若是

則過禮也

補過古

孔子曰獻子可謂加於人一等矣

猶踰也

魯人有朝祥而暮歌者

補祥大祥也謂二十五月祭

子路笑之

補笑其為

樂孔子曰由爾責於人終無已夫

補音

三年之喪亦以

久矣

補朝祥暮歌固非禮也而時行三年喪者希故抑子路以善彼以己通

子路出孔子

曰又多乎哉

又復也言其可

踰月則其善

子路問於孔子曰傷哉貧也生而無以供養

補養餘亮反

死

則無以為禮也孔子曰啜菽飲水

補菽大豆也啜菽之也啜昌劣反

盡其歡心斯為之孝乎斂手足形

補但衣棺斂其形體飲力驗反

旋而無槨

旋便補旋猶疾也謂不及其日月

稱其財斯為之禮貧何傷

乎

補稱尺證反

吳延陵季子聘于上國

補上國中流故為上勢卑下中國在其上

適齊於其返也其長子死於贏博之間

補贏博地名也長竹犬反

孔子聞之曰延陵季子吳之習於禮者也往而觀其葬焉

補鄭

其斂以時服而已

隨冬夏之服無所加

其壙掩坎

補戴記無壙掩

其封廣輪揜坎其高可肘隱也

補以生怨死也深式鳩反

其壘無明器之贈既葬

其封廣輪揜坎其高可肘隱也

補廣橫輪從隱據也封肘據示節也廣古曠

補注孔子家語

卷之十一

禮記

檀弓

補注孔子家語 卷之十 風月堂藏

反。揄於檢反。既封則季子乃左。右還其封。且號者三。

隱於刃反。補凡禮事左祖。若請罪待刑則右祖。今左祖尊。尊曰號。號於於鼻也。還音旋。遠也。號戶羔反。三息暫反。

也。骨肉歸于土。命也。若冤氣則無所不之。無所不之而

遂行。補行去也。孔子曰。延陵季子之於禮其合矣。

子游問喪之具。孔子曰。稱家之有亡焉。補稱尺證反。亡音無。下苟亡同。

子游曰。有亡惡乎齊。惡何齊限。補惡乎猶於何也。言何以為厚博之劑量乎。惡音烏。齊才。

細。孔子曰。有也則無過禮。補過占。反。苟亡矣。則斂手足形

還。葬。補斂力驗。反。還音旋。懸棺而封。補不設碑。緯。不備禮也。封彼驗反。讀為窆。人豈有

非之者哉。補不責於所不能。故夫喪亡與其哀不足而禮有餘

補禮禮數容。貌也。夫音扶。不若禮不足而哀有餘也。補喪。主哀。祭禮與其

敬不足而禮有餘。不若禮不足而敬有餘也。補祭。主敬。

伯高死於衛。補凡有舊恩者則使人告之。鄭玄云。伯高未聞何國人。赴於孔子。子

曰。吾惡乎哭諸。補以其交會。尚新惡音烏。兄弟吾哭諸。廟父之友吾

哭諸。廟門之外。補別親疏也。師吾哭之。寢朋友吾哭之。寢門

之外。所知吾哭之。諸野。補別輕重也。戴記無之字。今於野則已。疎於

寢則已。重。補已猶太也。夫由賜也。而見我。補夫指伯高也。吾哭於賜

氏。補哭於子貢寢門之外。遂命子貢為之主。補明恩所由。曰。為爾哭也。

來者。汝拜之。知伯高而來者。汝勿拜。補異於正。主。為于偽反。既哭。

使子張往弔焉。補致。賻。賻。未至。冉求在衛。攝束帛乘馬。而以

將之。補鄭玄云。攝猶貸也。四馬。乘。將之。行弔禮也。練繩。燈。孔子聞之曰。異哉。徒

補注孔子家語 卷之十

風月堂藏

使我不成禮於伯高者是冉求也。補徒猶空也。

子路有姊之喪可以除之矣而弗除孔子曰何不除也。

子路曰吾寡兄弟而弗忍也孔子曰行道之人皆弗忍。

補行道行先王之道也。先王制禮過之者俯而就之不至者企而

而及之子路聞之遂除之。

伯魚之喪母也。補喪出母也。期猶哭。補期音基。夫子聞之曰誰也。

門人曰鯉也孔子曰嘻其甚也非禮也伯魚聞之遂除之。

衛公使其大夫求婚於季氏。補衛公與季氏皆姬姓。桓子問禮於

孔子子曰同姓為宗。補同姓之族有宗。有合族之義。補合合之家。

序昭穆也。故繫之以姓而弗別。補知其同族矣。鄭玄云謂若今宗室屬籍也。綴之

以食而弗殊。君有食族人之禮。雖親盡不異之。族食多少也。補綴下衛反連合也。食音嗣。雖

百世婚姻不得通周道然也。桓子曰魯衛之先雖寡兄

弟。補寡如寡妻之寡。嫡也。周公衛康叔皆武王同母弟也。故云寡兄弟。今已絕遠矣可乎。

孔子曰固非禮也夫上治祖禰以尊尊之。補治猶正也。下治

子孫以親親之旁治昆弟。補所謂合族以食也。所以教睦也此先

王不易之教也。

有若問於孔子曰國君之於同姓如之何孔子曰皆有

宗道焉。補有同姓從宗之道。故雖國君之尊猶百世不廢其親。補親

也。所以崇愛也。雖於族人之親而不敢戚君所以謙也。

戚親也。尊敬君不敢如其親也。補戚君謂齒列也。此所以尊君別嫌。

曲禮子夏問第四十三

子夏問於孔子曰居父母之仇如之何補仇音求。離也。孔子曰

寢苦枕干不仕干。楛。補雖除喪。居處猶若喪也。弗與共天下也補不可。

遇於朝市不返兵而鬪兵常不離於身。補不返兵。言不待還取兵也。朝直遙反。曰

請問居昆弟之仇如之何孔子曰仕弗與同國銜君命

而使雖遇之不鬪補為負而廢君命也。銜音咸。使色吏反。曰請問從父昆

弟之仇如之何曰不為魁補魁猶首也。從似用反。主人能報之則

執兵而陪其後補為其負當成之。陪步回反。貳也。

子夏問三年之喪既卒哭金革之事無避禮與補金革之事。職

初有司為之乎有司當職吏也。補疑孔子

曰夏后氏之喪三年補戴記作夏后氏三年之喪為是。既殯而致事殷

人既葬而致事周人既卒哭而致事致事還政於君也。卒哭無時之哭。

記曰君子不奪人之親亦不奪

故也補吳本戴記並作亦不可奪親也。為是。不奪怒也。不可奪孝也。子夏曰金革之事

無避者非與孔子曰吾聞諸老聃補他曰魯公伯禽有

為為之也伯禽有母之喪。東方有戎為不義。伯禽為方伯。以不得不誅之。補急王事也。故云有為為

之。今以三年之喪從利者吾弗知也補利謂攻取之利也。

子夏問於孔子曰記云補古周公相成王教之以世子

之禮有諸補相息孔子曰昔者成王嗣立幼未能莅補不能臨。作階。行人。人君之事也。莅音吏。臨也。作

周公攝政而治補治抗世子之

法於伯禽補抗苦浪反舉行也欲王之知父子君臣之道所以善

成王也夫知為人子者然後可以為人父知為人臣者

然後可以為人君知事人者然後可以使人是故抗世

子法於伯禽使成王知父子君臣長幼之義焉補長竹丈反下

皆同凡君之於世子親則父也尊則君也有父之親有君

之尊然後兼天下而有之不可不慎也補教養世子不可不慎也行

一物而三善皆得補物事也唯世子齒於學之謂也補齒序齒也

世子齒於學則國人觀之曰此將君我而與我齒讓何

也曰有父在則禮然然而眾知父子之道矣其二曰此

將君我而與我齒讓何也曰有君在則禮然然而眾知

君臣之義矣其三曰此將君我而與我齒讓何也曰長

長也則禮然然而眾知長幼之節矣故父在斯為子君

在斯為臣居子與臣之位所以尊君而親親也在學學

之為父子焉學之為君臣焉學之為長幼焉父子君臣

長幼之道得而後國治補直吏反語曰樂正司業父師司成

師有父道成生人者補司主也大樂正授教肄業者也師大傳少傳師保也主成就德行者也一有元

良萬國以貞一謂天子也元善太子也補一人元良萬邦以貞

世子之謂聞之補聞之於古也曰為人臣者殺其身而有盜

於君則為之況于其身補于寬也大也以善其君乎周公

優為也

子夏問於孔子曰居君之母與妾之喪如之何孔子曰

居處言語飲食行爾補鄭玄云行爾自得貌為小於喪

所則稱其服而已補容色與服稱情敢問伯母之喪如

之何孔子曰伯母叔母疏衰期補疏猶麤也衰而踊不

絕地補足不離地也姑姊妹之大功踊絕於地若知此者由文矣

哉言知禮文意當言姑姊妹而已姊上長姑伯也補由

子夏問於夫子曰凡喪小功已上虞祔練祥之祭補虞

而祭也祔合於祖而祭也練期祭也祥三年祭皆沐浴

於三年之喪子則盡其情矣孔子曰豈徒祭而已哉三

年之喪補雖三年之喪身有瘍則浴首有瘡則沐補瘡病則飲

酒食肉補為其氣微毀瘠而病君子不為也補瘠在背反毀則死

者君子為之無子且祭之沐浴為齊潔也非為飾也補為于偽

反齊側皆反問曰官大夫齊大夫子夏問於孔子曰客至無所舍而夫子曰生於我乎館

客死無所殯夫子曰於我乎殯補戴記作客至無所舍

於我乎殯為是敢問禮與補音餘下同仁者之心與孔子曰吾聞諸

老聃曰館人使補句使色吏反若有之補若有於我館惡有有之而不

得殯乎補惡音鳥夫仁者制禮者也故禮者不可不省也補

也禮不同不異不豐不殺補所稱其義以為之宜尺證

反故曰我戰則剋祭則受福補我我禮者蓋得其道矣

孔子食於季氏。食祭補音嗣。主人不辭，不食亦不

飲而飧補不食肉亦不飲而飧也。子夏問曰：禮

與？補音孔子曰：非禮也。從主人也。吾食於少施氏而飽

吾食祭作而辭曰：疏食不足祭也。吾飧而作辭曰：疏食

不敢以傷吾子之性。補強飽也故云不主人不以禮

客不敢盡禮。主人盡禮則客不敢不盡禮也。

子夏問曰：官於大夫補官當作既升於公補升以而反

為之服禮與？補為于為反下孔子曰：管仲逐盜取二人

焉，上之為公臣。補上時曰：所以遊辟也可人也。補言所

與遊者

辟邪之人。故使之犯法。此人可公許。管仲卒。桓公使為

之服。官於大夫者為之服。自管仲始也。有君命焉。補此

大夫之諸侯同爾。禮不反服。

子貢問居父母喪。孔子曰：敬為上，哀次之，瘠為下。補鄭

喪尚哀而言敬為上者疾顏色稱情，戚容稱服。補容威

尺證曰：請問居兄弟之喪。孔子曰：則存乎書筴已。補言

如禮行之未有加也。齊斬之喪，哀容之體，經不能載矣。

子貢問於孔子曰：殷人既窆而弔於曠。補窆彼驗反下

墓穴也。周人反哭而弔於家。如之何？孔子曰：反哭之弔也。

喪之至也。補喪當反而亡矣。失之矣。補亡於斯為甚。補

痛故弔之死。人卒事也。補卒也。殷以慤吾從周。補哀之始未見其甚。

於此弔是質慤也。以與殷人既練之明日而祔于祖。補祔也。

于祖所以告周人既卒哭之明日而祔于祖。祔祭神之

始事也。周以戚吾從殷。戚猶促也。補期而神之。人情也。

子貢問曰。聞諸晏子。少連大連善居喪。其有異稱乎。補問

其所以善孔子曰。父母之喪。三日不怠。三月不懈。補怠

少詩照反。期悲哀。三年憂。補此其所東夷之子達於禮者也。

補言生於夷狄而和禮也。

子游問曰。諸侯之世子喪慈母如母。禮與。補慈母謂父之妾無子者

養已也。如母謂父卒二年也。禮大夫以下。父所使妾無子者。養妾之子無母者喪此慈母如所生。母子游以為

國君亦當然。故孔子曰。非禮也。古者男子外有傳父。內

有慈母。君命所使教子者也。何服之有。補言無服也。此

然大夫士之子為庶母慈已者服小功。父卒乃不服。昔魯孝公少喪其母。補少詩

息浪反。其慈母良。補良善也。及其死也。公弗忍。欲喪之。有司曰。

禮國君慈母無服。今也君為之服。補為于偽反。是逆古之禮。

而亂國法也。若終行之。則有司將書之以示後世。無乃

不可乎。公曰。古者天子喪慈母。練冠以燕居。補謂庶子王為其母也。

補是非喪慈母也。遂練冠以喪慈母。喪慈母如母。始則

魯孝公之為也。

孔子適衛。遇舊館人之喪。補前日君所使舍已。入而哭之哀。出使

子貢脫駟以贈之

補贈之以助喪用也。駟七南反。夾服馬曰駟。

子貢曰於所

識之喪不能有所贈。贈於舊館。不已多乎。

補已太也。多猶重也。

子曰吾向入哭之遇一哀而出涕

補見主人一哀。我為之出涕。出尺類反。涕

體。吾惡夫涕而無以將之。

補若不賻。則是無副涕。淚也。惡鳥路反。夫音扶。

小子

行焉。

子路問於孔子曰魯大夫練而杖禮與

補練小祥也。與音餘。下同。孔

子曰吾不知也。子路出謂子貢曰吾以為夫子無所不知

夫子亦徒有所不知也。子貢曰子所問何哉。子路曰

補吳本荀

子並此下。有由問魯大夫練而杖。禮與。夫子曰吾不知也。句為是。

止

補此上當。吾將為

子問之

補為于偽反。

遂趨而進曰練而杖禮與。孔子曰非禮

也。子貢出謂子路曰子謂夫子而弗知之乎。夫子徒無

所不知也。子問非也。禮居是邦則不非其大夫

補懼於訓上。

叔孫武叔之母死

補武叔。公子牙之六世孫。各州仇。毀孔子者。

既小斂舉尸

者出戶。武孫從之出戶。乃袒投其冠而括髮

補鄭玄云。尸出戶乃

變服。失哀節。冠素委貌。括古活反。

子路歎之

補歎之。咄之也。

孔子曰是禮也。子

路問曰將小斂則變服。今乃出戶

補不變服。而出戶。

而夫子以

為知禮。何也。孔子曰由汝問非也。君子不舉人以質事

質猶正也。

齊晏桓子卒。平仲麤裘斬苴。經帶杖

補以一苴。目三事也。苴麻為經為帶。

以苴竹為杖也。衰七回。反。苴七餘反。經大結反。

以菅屨

補以菅草。已漚者為屨也。菅古顏反。屨九具反。

食粥居傍廬

補傍當作倚謂於中門外東寢苦枕草

草名喪大記云寢苦枕草其老曰非大夫喪父之禮也

補當時大夫晏子曰唯卿大夫

補唯卿大夫曾子以問孔子

孔子曰晏平仲可謂能遠害矣

補遠于不以己之是駭

人之非恐辭以避咎義也夫

補昭公之出也季孫嘗行

季平子卒將以君之璵璠斂

補昭公之出也季孫嘗行

魯之寶玉君所佩也璵璠斂

音餘璠音煩斂力驗反

贈以珠玉

補禮當葬主人則以

者孔子初為中都宰聞之歷級而救焉

歷級不聚足曰送

而以寶玉是猶曝尸於中原也

補人利寶玉必將

發掘曝步木反

其示

民以姦利之端而有害於死者安用之且孝子不順情

以危親忠臣不兆姦以陷君

之兆姦為之兆端也乃止

孔子之弟子琴張與宗魯友衛齊豹見宗魯於公子孟

繫

補齊豹衛司寇也見

孟繫以為參乘焉

補參七南反

風月堂藏

聞宗魯死將往弔之孔子曰齊豹之盜孟縶之賊也

豹所以為盜孟縶所以為賊皆由宗魯汝何弔焉君子不食姦不受亂

公孟力不善而受其祿是食姦也許豹行事是受亂也不為利病於回

回邪也不以回事人

補知難不告是蓋非義

蓋揜補以周事不犯非禮

補以二心事孟汝何弔焉琴張乃止

邾人子蒲卒哭之呼滅

舊說以滅子蒲名人少名滅者又哭名其父不近人情疑以孤子游曰若是哭也其野哉孔子惡野哭者

窮自謂將亡滅也哭者聞之遂改之

公父文伯卒其妻妾皆行哭失聲敬姜戒之曰

吾聞好外者士死之

補好呼報好內者女死之今吾子

早夭吾惡其以好內聞也

補惡鳥路二三婦人之欲供

先祀者

言欲留不改嫁請無瘠色

補毀瘠無揮涕無拊

膺

音揮振去也國語作洵涕云無聲涕出為洵涕膺於無哀容無加服有降服

補國語作有降服無加服為從禮而靜是昭吾子也孔子聞之曰女智無若婦男智

莫若夫

補言處女之智不如婦公父氏之婦智矣剖情

損禮欲以明其子為令德也

子路與子羔仕於衛衛有蒯聵之難

補蒯苦怪反聵魚孔子在魯聞之曰柴也其來由也死矣既而衛使

補

補

色更反。曰子路死焉。夫子哭之於中庭。有人弔者而夫子拜之。已哭。進使者而問故。使者曰：醢之矣。補醢肉醬也。遂令左右皆覆醢。補覆芳服反。曰：吾何忍食此。

季桓子死。補季孫斯。魯大夫朝服而弔。補非禮也。朝直遙反。子游問於

孔子曰：禮乎？夫子不荅。他日又問。夫子曰：始死則矣。補則

矣疑衍文。或云矣一作以。羔裘玄冠者易之而已。補神羔裘玄冠朝服也。論語云羔裘玄

冠不汝何疑焉。

子罕問於孔子曰：始死之設重也何為？補始死未作主。以重主其神也。

孔子曰：重主道也。補主神也。殷主終重焉。補綴連也。殷

爲于僞反。一云如字。孔子曰：重主道也。補主神也。殷主終重焉。補綴連也。殷

人作主。而連其重。懸諸廟也。補綴竹劣反。周人徹重焉。補周人既

虞而作主。埋其重。故云徹。請問喪朝。喪將葬。朝於廟而後行焉。補朝謂遷柩於廟也。直遙反。下皆同。

子曰：喪之朝也。順死者之孝心。補其心。時出必告。還必

之孝也。故至於祖考廟而後行。殷朝而後殯於祖。周朝而

後遂葬。

孔子之守狗死。補守狗。馴守者。狗古口反。謂子貢曰：路馬死。補路馬常

則藏之以帷。狗則藏之以蓋。汝往埋之。吾聞弊帷不棄。

爲埋馬也。補爲于僞反。下同。弊蓋不棄。爲埋狗也。今吾貧無蓋。

於其封也。與之席。補封彼驗反。讀爲空。無使其首陷於土焉。補陷

於土。

曲禮公西赤問第四十四

公西赤問於孔子曰大夫以罪免卒其葬也如之何

子曰大夫廢其事補如陳戰無勇荒淫失行之類不言卿士舉中以諫之也終身不

仕者死則從其列補以大夫之禮葬之而巳無爵祿也老而致

仕者死則從其列補以大夫之禮葬之而巳無爵祿也老而致

公儀仲子嫡子死補公儀氏仲子字魯之同姓也而立其弟檀弓問子

服伯子曰何居補檀弓魯人檀姓之名也子服伯子仲孫蔑之玄孫子服景伯也蓋仲子從兄

弟也居我未之前聞也子服伯子曰仲子亦猶行古人

之道補伯子為親者隱諱耳立弟非也昔者文王捨伯邑考伯邑考文王之長子

而立武王微子捨其孫臚立其弟衍補微子而自立孫也

子游以問諸孔子子曰否周制立

孫補周禮嫡子死立嫡孫為後

孔子之母既喪將合葬焉曰古者不祔葬補祔音附下同謂合葬也

為不忍先死者之復見也補為于偽反復扶又反見賢遍反詩云死則

同穴補詩王風大車之篇自周公已來祔葬矣故衛人之祔也補

之有以間焉補有以間其棺中問間廁之間魯人之祔也合之美夫補善

魯人也戴記美作善夫音扶吾從魯遂合葬於防補防魯地名曰吾聞之

古者墓而不墳補墓非域也土之高者曰墳墳扶云反今丘也東西南北

之人補言居無常處也不可以弗識也補識音志吾見封之若堂者

矣堂形四方而高者又見若坊者矣坊形旁殺平上而長又見若覆夏屋

者矣又見若斧形者矣補覆茨瓦也夏屋斧形解並見于終記篇吾從魯

焉。於是封之。崇四尺。補聚土曰封。封之周禮也。崇高也。孔子先反虞門

人後。補胡豆反。雨甚至墓崩。修之而歸。孔子問焉。曰：爾來何

遲？對曰：防墓崩。孔子不應。補以其非禮也。應應對之應。三云。補以孔子不聞。

三息。孔子泫然而流涕。曰：吾聞之古不修墓。補流涕貌。反。及二十五日而祥。五日而彈琴不成聲。補哀未忘。十日過禫

而成笙歌。補孔子大祥二十五日禫。故十日踰月而歌也。補鄭玄云。踰月且異旬也。祥亦凶事。用遠且。

五日。彈琴。十日笙歌。除由外也。孔子有母之喪。既練。陽虎弔焉。補吳註云。練當作斂。陽虎弔不應若是晚矣。

私於孔子。補私語也。曰：今季氏將大饗境內之士。子聞諸孔

子曰：丘弗聞也。若聞之。雖在衰絰。亦欲與往。補衰七同。反。下同。經。

與音預。陽虎曰：子謂不然乎？季氏饗士不及子也。陽虎

出。曾點問曰：荅之何謂也？孔子曰：己則衰服。猶應其言

補己音紀。應於證反。示所以不非也。孔子衰服。陽虎之言犯禮。故孔子荅之。以示不非其言者也。

顏回死。魯定公弔焉。使人訪於孔子。補訪問也。孔子對曰：凡

在封內。皆臣子也。禮君弔其臣。升自東階。向戶而哭。其

恩賜之施。不有卒也。補蘇亂反。同算。卒。蘇亂反。同算。補施始鼓反。

原思言於曾子曰：夏后氏之送葬。也用明器。示民無知

也。補死者無知。下文所謂致死也。殷人用祭器。示民有知也。周人兼而

用之。示民疑也。補使疑於無知與有知也。曾子曰：其不然矣。補非無知與有知也。

補註孔子家語 卷之十

補註孔子家語 卷之十

補註孔子家語 卷之十

補註孔子家語 卷之十

補註孔子家語 卷之十

補註孔子家語 卷之十

謂矣夫以明器鬼器也補戴記無以字祭器人器也古之人胡

為而死其親也子游問於孔子子曰之死而致死乎不

仁不可為也補之往也致死為無知也為猶行也之死而致生乎不智不

可為也補致生為有知也凡為明器者知喪道也備物而不可

用也補神與人異道則不相傷是故竹不成用謂邊之無緣也而瓦不成勝

不成勝補毛本吳本並勝作膝云疑膝字之誤蓋竹可言不成勝瓦不可言不成勝吳說近是戴記作味云謂無

黑光琴瑟張而不平笙竽備而不和補不平不和皆言無官商之調竽音

其曰有鐘磬而無篋簾篋簾所以懸鐘磬也○其曰

明器神明之也哀哉死者而用生者之器不藉於用殉

也殺人以從死謂之殉補殮幾也用其器漸幾於用人殉辭俊反

子游問於孔子曰葬者塗車芻靈自古有之補塗車以泥為車芻

靈束茅為人馬以為死者之從芻初拘反然今人或有偶偶木也是無益於喪

孔子曰為芻靈者善矣補塗車芻靈明器之道也為偶者不仁不殆

於用人乎

顏淵之喪既祥補祥二年祭也顏路饋祥肉於孔子補饋其孔子位反

子自出而受之入彈琴以散情而後乃食之

孔子嘗奉薦而進嘗秋祭也其親也慤慤親之奉薦也慤質也其行也趨趨以數言少威儀補趨讀為也已祭子貢問

曰夫子之言祭也濟濟漆漆焉威儀容止補濟子禮反漆讀為切今夫

子之祭無濟濟漆漆何也孔子曰濟濟漆漆者容也遠

也。言賓客疏遠之容也。補依陸玄朗。當作客也。遠也。方合王註。漆漆者以自反。謂安

容也。補鄭玄云。自反。猶言自脩整也。容以遠。補依陸玄朗。亦當作客以遠。若容以自反。

容以遠。補客以遠。言非所以接親親也。容以自反。言非孝子所以事親也。夫何神明之及交。補

與必如此。則何濟濟漆漆之有。及饋樂成。補饋進熟也。天子諸侯之

及饋樂音岳。進則燕俎。補燕俎。折俎也。序其禮樂。備其百官。

於是君子致其濟濟漆漆焉。夫言豈一端而已哉。亦各

有所當也。補豈一端。言不可以一槩也。禮各有所當。或熱趨趨。或齊濟漆漆。當丁浪反。

子路為季氏宰。季氏祭。逮昏而奠。補逮昏未明。補奠薦也。謂頻昏神前也。戴記

終日不足。繼以燭。雖有強力之容。肅敬之心。皆倦

怠矣。補以其久也。有司跛倚以臨事。補跛倚。任也。補跛彼義。反倚於綺反。依物也。其

為不敬也大矣。他日祭。子路與焉。補與。室事交于戶。室

事當于階。補有事于室。祭時也。有事于堂。饋尸也。皆明

而始行事。晏朝而徹。補質明。平明。禮晏晚也。平明而始行

禮。孔子聞之曰。以此觀之。孰為由也。而不知禮。補其知

衛蒞公之反國也。改舊制。變宗廟。易朝市。補朝直遙。反。下皆同。高

子墨問於孔子曰。周禮。繹祭於祊。補祊。廟門之旁也。祭

祊。補祭亦因名。祊焉。釋音亦。祊在廟門之西。補繹祭於廟門外。西。故

後市。補前。南。後。北。今衛君欲其事事一更之。如之何。補更。古

孔子曰。繹之於庫門內。祊之於東。補於庫門內。失其所。也。於東。失其方也。

市朝於西方失之矣。

補三者皆失之矣。

季栢子將祭齊三日。

補齊側皆反。下皆同。

而二日鐘鼓之音不絕。

冉有問於孔子子曰。

積而一用之也。補致齊於內。散齊於外。慎思其事。思其居處。思其笑語。思其志意。思其所樂。思其所嗜。是也。

孝子之祭也。散齊七日。慎思其事。三日致齊而一用之。

猶恐其不敬也。而二日伐鼓何居焉。

補居音姬。

公父文伯之母。

補敬姜也。音甫。下同。

季康子之從祖母。

補祖父昆弟之。

妻也。從似用反。

康子往焉。側門而與之言曰。

補曰字衍文。

皆不踰閤。

側門於門之側而與之言。言不外出。出身不踰門限。補閤當作閤。閤門限也。敬姜不踰閤而出。康子不踰閤而入。故云皆禮。婦人送迎不出門。見兄弟不踰閤。文伯祭其祖悼子。康子與焉。

悼子。

文伯始祖。補悼子。穆伯之父。

進俎而不授。

進俎。康子而不親授。補敬姜不親授也。

敬姜先舅也。與音預。下同。

徹俎而不與燕。

補祭畢。徹俎之後。而不與燕。燕之坐。宗姜不親授也。

老不具則不釋。

釋。又祭。宗老大夫。家臣也。與祭祀及宗族之事。不具不在。補敬姜不與釋也。釋音亦。

釋不盡。飲則退。

飲。厭也。不盡。厭飲之禮。而去也。補下同。與釋。釋畢而飲。不盡。飲禮而退。孔子聞之曰。男女之別。恐有醉飽之失。皆所以遠嫌也。

孔子聞之曰。男女之別。禮之大經。

補別彼列反。

公父氏之婦。動中德。趣度於禮矣。

之趣。合禮之度。補中丁仲反。

季康子朝服以縞。

補縞。白。縞也。朝直遙反。

曾子問於孔子曰。禮乎。

孔子曰。諸侯皮弁以告朔。然後服之。以視朝。若此禮者。

也。朝服以縞。縞。宋禮也。孔子惡指斥。康子但言諸侯皮弁。以告朔。卒然後朝服以視朝。朝服明不用縞。補吳

註云。按服志。夏尚黑。殷尚白。周兼用之。而皮弁編服。以告朔受聘。故王云。朝服以編。僭宋禮也。宋殷之後也。皮弁。白鹿爲之。皮弁編服。卽禮器。所謂至敬無文。以素爲貴者也。

孔子家語卷十終

後序

孔子家語者。皆當時公卿士大夫。及七十二弟子之所
諮訪。交相對問。言語也。旣而諸弟子各自記其所問焉。
與論語孝經竝。時弟子取其正實而切事者。別出爲論
語。其餘則都集錄。名之曰孔子家語。凡所論辨。疏判。較
歸實。自夫子本旨也。屬文下辭。往往頗有浮說。煩而不
要者。亦猶七十二子。各共叙述首尾。加之潤色。其材或
有優劣。故使之然也。孔子旣沒。而微言絕。七十二弟子
終而大義乖。六國之世。儒道分散。遊說之士。各以巧意
而爲枝葉。唯孟軻孫卿。守其所習。當秦昭王時。孫卿入

秦昭王從之問儒術。孫卿以孔子之語及諸國事。七十二弟子之言。凡百餘篇與之。由此秦悉有焉。始皇之世。李斯焚書。而孔子家語與諸子同列。故不見滅。高祖克秦。悉斂得之。皆載於二尺竹簡。多有古文字。及呂氏專漢。取歸藏之。其後被誅亡。而孔子家語乃散在人間。好事者。或各以意增損其言。故使同是一事。而輒異辭。孝景皇帝末年。募求天下遺書。于時京師士大夫皆送官。得呂氏之所傳孔子家語。而與諸國事及七十二子辭。妄相錯雜。不可得知。以付掌書。與曲禮衆篇。亂簡合而藏之祕府。元封之時。吾仕京師。竊懼先人之典辭將遂

泯滅。於是因諸公卿大夫。私以人第募求其副。悉得之。乃以事類相次。撰集爲四十四篇。又有曾子問禮一篇。自別屬曾子問。故不復錄。其諸弟子書所稱引孔子之言者。本不存乎家語。亦以其已自有所傳也。是以皆不取也。將來君子。不可不鑑。

孔安國字子國。孔子十二世孫也。孔子生伯魚。魚生子思。名伋。伋嘗遭困于宋。作中庸之書四十七篇。以述聖祖之業。授弟子孟軻之徒數百人。年六十二而卒。子思生子。上名白。年四十七而卒。自叔梁紇始出妻。及伯魚亦出妻。至子思又出妻。故稱孔氏三世出妻。子上生子。

家名傲。後名求。年四十五而卒。子家生子直。名榼。年四十六而卒。子直生子高。名穿。亦著儒家語十二篇。名曰譚言。年五十七而卒。子高生武。字子順。名微。後名斌。爲魏文王相。年五十七而卒。子武生子魚。名鮒。及子襄。名騰。子文。名耐。子魚。後名甲。子襄以好經書博學。畏秦法峻急。乃藏其家語。孝經。尚書及論語於夫子之舊堂壁中。子魚爲陳王涉博士。太師。卒。陳下生元路。一字元生。名育。後名隨。子文。生寂。字子產。子產後從高祖。以左司馬將軍佐韓信。破楚於垓下。以功封蓼侯。年五十三而卒。諡曰夷侯。長子滅嗣。官至太常。父子襄。字子士。後名

讓。爲孝惠皇帝博士。遷長沙王太傅。年五十七而卒。生季中。名員。年五十七而卒。生武。及子國。子國少學詩於申公。受尚書於伏生。長則博覽經傳。問無常師。年四十爲諫議大夫。遷侍中博士。天漢後。魯恭王壞夫子故宅。得壁中詩書。悉以歸。子國。子國乃考論古今文字。撰衆師之義。爲古文論語訓十一篇。孝經傳二篇。尚書傳五十八篇。皆所得壁中。科斗本也。又集錄孔氏家語。爲四十四篇。旣成。會值巫蠱事。寢不施行。子國由博士爲臨淮太守。在官六年。以病免。年六十。卒于家。其後孝成皇帝詔光祿大夫劉向校定衆書。都記錄。名古今文書論

語別錄。子國孫衍爲博士。上書辯之曰。臣聞明王不掩人之功。大聖不遺人之善。所以能其明聖也。陛下發明詔。諮羣儒。集天下書籍。無言不悉。命通才大夫。校定其義。使遐載之文。以有著於今日。立言之士。垂於不朽。此則蹈明王之軌。遵大聖之風者也。雖唐帝之煥然。周王之或或。未若斯之極也。故述作之士。莫不樂測大倫焉。臣祖故臨淮太守安國。建仕於孝武皇帝之世。以經學爲名。以儒雅爲官。讚明道義。見稱前朝。時魯恭王壞孔子故宅。得古文科斗尚書。孝經論語。世人莫有能言者。安國爲之。今文讀而訓傳其義。又撰次孔子家語。旣畢。

訖。會值巫蠱事起。遂各廢不行。于時。然其典雅正實。與世所傳者不同。日而論也。光祿大夫向以其爲時所未施之故。尚書則不記於別錄。論語則不使名家也。臣竊惜之。且百家章句無不畢記。況孔子家語古文正實。而疑之哉。又戴聖近世小儒。以曲禮不足。而乃取孔子家語雜亂者。及子思孟軻孫卿之書。以裨益之。總名曰禮記。今向見其已在禮記者。則便除家語之本篇。是滅其原。而存其末也。不亦難乎。臣之愚以爲宜如此爲例。皆記錄別見。故敢冒昧以聞。奏上。

天子許之。未卽論定。而遇帝崩。向又病亡。遂不果立。

孔子家語後序終

信論保其始始類冒林以開奏上

亂而奔其末世不亦壞乎曰之愚以為宜吸此為國首

指今尚見其曰其難信其限更制家語之本篇其為其

難論者又于思孟陣所撰之書以辨並之難各曰難

難之若又難聖世世小謝以曲斷本只而八規其于家


語之且百家章句無不畢指其于家語古文五實而

歐之始尚書限不實然限難論語限

寬保元辛酉歲十二月之吉

信會前巫蠱事 京師書坊

風月堂莊 衛門重梓



10

20.10.2
底田

